

BODO

(Compulsory)

Time Allowed : Three Hours

Maximum Marks : 300

QUESTION PAPER SPECIFIC INSTRUCTIONS

Please read each of the following instructions carefully
before attempting questions

All questions are to be attempted.

The number of marks carried by a question/part is indicated against it.

Answer must be written in BODO (Devanagari script) unless otherwise directed in the question.

Word limit in questions, wherever specified, should be adhered to and if answered in much longer or shorter than the prescribed length, marks may be deducted.

Any page or portion of the page left blank in the Question-cum-Answer Booklet must be clearly struck off.

बर'

(मावथारनो गोनां)

सम थिखानाय : थाम घन्टा

गासै नाम्बार : 300

सोंथि बिलाइनि थिखानाय बिथोन

सोंथि बिलाइखौ फिननायनि सिगां गाहायाव होनाय बिथोनखौ मोजाडै फराय

गासैबो सोंथिनि फिननाय हो।

फिननायनि नाम्बारा सोंथिनि उनाव होखानाय दं।

फिननायखौ बर' (देवनागरि हांखो) रावजों आरो सोंथि बादियै हो।

सोदोबनि थिखानाय बायदियै फिन आरो जुदि सोंथि बायदियै फिननाया गुसुं एबा गोलाव जायो अब्ला नाम्बारखौ दाननाय जागोन।

फिन बिलाइनि आगसिथि बिलाइयाव थानाय लांदां बिलाइखौ मोजाडै दाननानै होनांगोन।

- (a) हारिमुखौ मानो नांगौ?
- (b) स्मार्ट चिटि आरो स्मार्ट नडै नोगोरारिफोर
- (c) जुदिचियेल एकटिभिजिमनि उल्टायै जुदिचियेल अभाररिच (overreach)
- (d) फरायसालिनि फरायसाफोरनि गेजेराव जॉनि दोरौ (heritage) खौ फोरौनाय

2. गाहायाव होनाय खोन्दोखौ मोजाडै फराय आरो उनाव होनाय सॅथिफोरखौ रोखा, सैथो आरो रोजोब रावजो फिन हो :

12×5=60

बेखौ बुंनाय जादौदि आइजोफोरा अख्रानि खावसे समान गोहोगोनां। सानब्रे द्रायनानै जौ बुंनो सानो जे बिसोरो बेनिखुइबो गोहो गोनांसिन। जौ फ्राय नुनो मोनबोबाय जे—जारिमिननि मोनफ्रोमबो खोन्दो (period) आव, मोनफ्रोमबो हादोदाव, मोनफ्रोमबो हारिमु आरो दोरोडाव, मोनफ्रोमबो ओनसोल, धोरोम, माहारि, थाखो, हारि, जाथि, जोलै (ethnicity), थांखांनाय गावसालायनायाव आरो आथिखालनि बायदि बोरोनाव (varied present) नुनो मोनो जे जिउनि मोनफ्रोमबो खदमाव आइजोफोरा रुजुनायाव हौवाफोरनिखुइ जौगाखांनो रोडैसिन (disadvantage). आदार जानाय, हाबा मावनाय, सोलौंथाय, देहा जोथोनलानाय आरो जौगाखाडारि हाबाफोराव बाहागो लानाय, दैदेनाय, सान्नाय-हनाय, सिमां नुनाय आरो बेखौ मोगथाडाव महर होनायफोराव बिसोरखौ नासयबोबाय थानाय जादौ। रोजा-रोजा बोसोर हमबोनानै बिसोरो मुलुगनि देरसिन माइनेरि (World's Largest Minority) जानानै थाबोगासिनो दड। बिफा गाहाय जोलैयाव हिन्जावफोरखौ मानसि हिसाबै सानबोनाय जायाखै-जायफोर गावसोरनि निजा मोनथायनि एजेन्ट जानानै हाबा मावबोगासिनो दड। समाजारि फालिथायफोर, आइन आरो आफात (institutions) फोराव समान मान आरो मोनथायफोर मोन्नो गोनां आइजोफोरखौ dignity and autonomy जौ सासे आबुं ब्याक्ति हिसाबै नायबोनाय जायाखै। थारैनो बिसोरखौ हौवाफोरनि आइजें बायदिल बाहायबोनाय जादौ ! आइजोफोरखौ सान्नाय जादौ जे बिसोरो जोनोमहोग्रा (mantles as reproducers), जोथोन लाग्रा, आथोनारि गोजोनहोग्रा (sexual outlet) आरो नखरनि गासै जौगाखाडारी हाबा मावनायनि एजेन्टल'। बिसोरखौ लानानै हारिमुवारि नाजावनानै लानाया जादौ—बिसोरो हौवा माहारिनि फिसाजो, बिसि आरो बिमाफोरल। नडाब्ला बिसोरो एंगरजानाय एबा गारजानाय (dispensable or 'fallen').

बे बायदि instrumentality नि बाइजोयाव सासेल आइजोया गसंनानै दड : विसोरनि गेजेराव हाबनानै दड सोरबा सासे जाय हारिमुवा गनायनानै लानाय हाबा जानायनि बैसो मोनबाय, अब्लाबो हाबा जाथयाखै सोरबा रान्दिबो थाफानो हागौ, फाथैलाइ बिसिलायनाय एबा गारलायलायनायबो थाफानो हागौ।

जेब्ला सासे आइजोया बेखौ गोसो जानानै नेवसिगोन—बांसिनै जेब्ला बियो गावनि फिसाइखौ जाब्रथाय एबा लोमजानायजो गोमाजागोन अब्ला हौवाफोरनि protection and security गैयैखौ समाजा बोराबगोन। हौवा जोलै फोरजो बेंग्लोबजानाय सासे आइजोनि सायाव सासे हौवानि गोबांथार रागाया जमा जानानै थायो।

गोबां जौगाफुनाय हादोदफोराव आइजोफोरा 60-80 जौखोन्दो आदारखौ दिहुनो आरो मुलुगनि खावसे आदार दिहुनायनि बिबानखौ रुजुनो। हारिमुवारि नोजोरजो बुंनो थाडोब्ला बिसोरो गोबां नखरनिनो आदार जगायग्रा। अब्लाबो भारताव, समाजारि आरो हारिमुवारि फालिथायफोराव थि खालामो जे नखरनि गेजेराव आइजोफोरा एसेलथ जानो नाडा नाडा—उनावसो जानांगौ आरो गंसे नखरनि आदारनि थोब्ले-माब्लेखौ नायनानै बिसोरो जाथारैयानो गाहाम। Intra-family समान नडैयाव आइजोफोरखौ थोजासे गोगो आदारनि थाखाय नखरफोरावबो सोबखनाय जायो-जेराव थोजासे आदार थासेयावबो समानै रान्नानै होनाय जाया। जदियब्लाबो बिसोरो हारसिडैनो दावहा नांलांबाय थायो अब्लाबो

हारसिं आइजोफोरा आदार आरो थानानै थानायखौ लानानै नेवसि गारनाय आरो समाजारि सिमाखौ लानानै मोगा-मोगि जानांगौ जायो।

एसेल हादोतफोरनि गेजेराव भारता गंसे हादोत जेराव एसेलसिन आइजो आरो सिख्लाफोरा हौवा आरो सेंग्राफोरनिखुइ हादोताव बिसोरनि सुबुं अनजिमनि बाहागोया थानाय माखासे बोसोरफोराव फारियै गोग्लै बोदों। 2001 इं माइथायनि सुबुं अनजिमा सान्नाया (census) दिन्थियो जे 1000 हौवाफोरनि समानै 933 आ हिन्जावफोरमोन। देहायारी जोथोन आरो गोगो आदारखौ लाफानानै हौवा आरो हिन्जावफोर नोबो हौवा आरो सेंग्राफोर समान सुजुग होनाय जायोब्ला—औरै बायदि जाथावथाव जे हिन्जाव आरो हौवाफोरनि बिबाडा समानफ्राम जागोन। बेनि सोलाय 2001 इं माइथायाव आइजो आरो सिख्लाफोरनि अनजिमाया हौवा आरो सेंग्राफोरनि अनजिमनिखुइ 35 मिलियन बाडाइसिन। आथोनारि रुजु जखाया 2011 इं माइथायाव एसे बांदों—जेराव आइजोफोरनि रुजु जखाया 940 सिम बांबोदों। मोनसे नोजोर होथावथाव बाथ्राया जादों—बावयैसो दिनफोराब 0-6 बोसोरनि गथफोरनि रुजुजखा एबा सिख्लासा आरो सेंग्रासाफोरनि रुजु जखाया 2001 इं माइथायाव 927 सिम दावख्लायबोदोंमोन। सन्देह गैयाब्लानो बै बिबांफोरा दिन्थियोजे समाज आरो हारिमु, आरो discrimination नि बिरोंदामिनारि बिखान्थिफोरा, नेवसिनाय आरो मुगैनायफोरा गोमानानै थानाय बै सिख्लासा आरो आइजोफोरनि थानानै थानायनि सुजुगखौ खोमोरदों। बिब्दिनो, जौनि भारतारि समाजा गावनि सिख्लासा आरो आइजोफोरखौ आनथोर जयै बुथारबोगासिनो दड।

सोंथिफोर :

- (a) सिख्लासा आरो आइजोफोरखौ लानानै सुबुं अनजिमा सान्नाया (census) जौनो मा खौरां जगायो?
- (b) आदार आरो आइजोफोरनि सोमोन्दोआव समानथाय नडिनि बेरेखाथाया मा?
- (c) “बेखौ बान बुंथाय होनो हायो दि आइजोफोरा अख्रांनि खावसेनि बारा हमथाना लाना दं।” बे बाथ्राजों लिरगिरिआ मा बुंनो नागिरदों?
- (d) हौवा गाहाइ समाजाव आइजोफोरा माबोरै नेहाद जुनथिल’ (mere instrument) जानानै फैयो?
- (e) लिरगिरिनि बादिब्ला हारसिं आइजोआ जौनि समाजाव माबोरै गाग्लोबजाथाव जानानै फैयो?

3. गाहायाव होनाय खोन्देनिफ्राय थाम बाहागोनि से बाहागोजों मोनसे सुंदोब (Précis) लिर। सुंदोबखौ नौनि रावजों लिर। बिमुं होनो नाडा :

जौनि बांसिन सुबुंआनो बे बाथ्रायाव खौसे दि अनसायगिरि जानाया बाख्नायथाव। जों गावनि फोलेरनि, लोगो-लोब्बाफोरनि आरो गावनि हादरनि फारसे अनसायगिरिखौ मान होनांगौ। गुबैयै गासै सुबुंफोर आरो हानजानि फारसे जोंहा अनसायनाय थानांगौ जाइनि फारसे जों सिबि बाउनांगौ। जेब्ला जों अनसायगिरि बाथ्रा बुडो अब्ला जोंहा मोनसे नोजोर थानांगौ जाहाथे जेंना-जेंगोना एबा खैफोद-आफोदाव गोग्लैब्ला हेफाजाब होनो साखाफारा जानांगौ। लोगोसे अराइ सम बिसोरनि गाहाम हास्थायनांगौ। बेयो सरासनस्रायै रोखा दि जेब्ला सासे मानसिआ गनायि जायो, जेब्ला गावनि बिमा-बिफाखौ दुखु-निदान समाव नायफिना जायो, बिदिन्थि महरै एबा जेब्ला बियो गावनि हादर आरो हादरारिनि बेरेखायै अनाखाना बुथारालुंबायो, अब्ला बेबादि मानसिआ रावनिबो गनायथि मोना जायो।

जाइखि जादोला, सासे मानसिआ गनायथावि नंगौना नडा बेयौ एखम्बा बांद्राइ गोब्राब थासारिनि मोगामोगि जायो। सासे सियान गथ’आ गावनि बिफानि खावलायनायाव गावनि फरायनायखौ दोनथ’आलासेनो बियो खामानि मावना रांखाउरिजों बिफा-बिमाखौ मदद होनो हागौ। बियो फोथायनाय लानो हायो दि गोबां बोसोर फरायोब्ला बियो आबुडै बिमा-बिफानि दाहारखौ जैरैबादि सुफुंनो हागोन, नाथाय फरायनायखौ नागारोब्ला बिनि टेलेण्डआ आवसारि जागोन आरो माब्लाबाबो

गुबुनखौ सिबिनो हानाय नडा। सासे हौवासा एबा सिख्लासाआ बेबादि थिरांथा लानायाव सानस'नो हायि मानसिआ एखम्बा मुगैनो हागौ, एखम्बा बेबादि गथ'आ सांग्रांथि आरो मावथि जायोब्ला सोंखारि जानायनिखुइ हेफाजाब आरो थुलुंगा होनो हागौ। फार्सेंथि दिन्थि महरै, माखासे थासारिनि थाखाय सासे गथ'नि बिमा-बिफाआ गेदेर निखाउरियाव गोग्लैनाय नुनाबो खामानि मावनो सिमान जाया आरो हेफाजाब होयाब्ला बिनि गनायि जागोन आरो बेनि उननि जिउआव देरहासार जाब्लाबो अराइ सम बियो सासे अनसायनो रोडि गथ' होनना उनदाहा खालामनांगौ जानो हागौ।

सासे मानसिनि सोमोन्दोआ बिनि हादरनि सरखारजों एखम्बा बांद्राइ जेंना-जेंगोनानि मोगामोगि जायो। मोनसे हानजानि सुबुंआ गोख्रोडै गावसोरनि हादरखौ मोजां मोनना बेनि जौगानाय आरो गोजोननि थाखाय हाथियार बाहायनानैबो सरखारनि बेरेखायै सोमावसारो, मानोना बिसोर फोथायो दि सरखारआ हादरनि थाखाय गाज्जि आरो बेखौ जेरैखिजाया सिफायनांगौ। बिसोरखौ गोख्रैनो 'सोमावसारगिरि' आरो जांखिथाइगिरि बुंनय जायो सरखारनि जोहै, नाथायबा गिबि सोदोबआ थारैनो गोरुबनाय। उननिआ बेबादि गोरुबथाव नडा। बिसोर सरखारनिखुइ हादरनि सुबुंफोरखौ अनसायो। बे जाफुंसारनायनि सिगांनो हादर अनसायनायनि थाखाय एबा मानिबा सार्थजों थुलुंगा मोनना सोमावसारनाय जादों बेखो मिथिनाया थारैनो गोब्राब। अब्ला सौनाय जागोन दि दानिया हादरनि गासै सुबुंआनो खमैब्लाबो बिसोरनि मोनथाय आरो राजखान्थियारि सुथुरफोरजों लोगोसे सोमावसारगिरि देरहासार जानायनि उनाव मोनसे गोदान सरखारदानो हायो। जेरै बिसोरनि बुंनंगौखौ उदाडै बुंथिनाय आरो बइजोंबो मोजां मोनजानायजों लोगोसे मदद आरो हेफाजाब मोननो नाजानाय जायो ने? एबा बिसोरनि राजखान्थियारि सुथुरफोरखौ फोजोबस्रानो बिसोरनि गोहोखौ बाहायगासिनो थायो? गिबि बादियै बिसोर मावोब्ला जों मिथिनो हायो दि बिसोर नेहाद दोलोनि सार्थनि थाखायल' नडा, नाथाय हादरनि थार अनसायनायनि हाबा मावमारदों। नाथाय उननि बादियै मावोब्ला जों मिथिनो हागोन दि बिसोर सिफायनाय सरखारनिखुइ गावसोरनि हादर अनसायनाया बांद्राइ नडा। अब्ला जों बांद्राइ गोबावजोंसो मिथिनाय जायो।

4. गाहाइनि खोन्दोखौ इराजियाव राव दानस्लाय :

20

गिदिर बारहुंखा बारफुनाय समाव माखासे आमिरफोरा जाहाजजों दावबायनो थांदोंमोन। दावबायगिरिफोरनि गेजेराव सासेया, जाय माब्लाबाबो जाहाजजों दावबाय फेराखैमोन, बियो गिनायजों गाबखावनो हमो। बियो माखासे सम बे बायदिनो खालामदोंमोन आरो बिखौ रावबो सिरि थाहोनो हायाखैमोन। रागाजों आमिरआ सोंदोंमोन, “बे लोखिसारा गिखखौ सिरि थाहोनो रावबो गैलियाना?”

लोगोयाव थांफानाय सासे सानसुमैआ बुंदोंमोन, “सार, आं सान्नाय बायदि मावनो आंनो गनायथि होयोब्ला, आं सानो, आं बे मानसिखौ सिरि थाहोनो हागोन।” ‘सिगां’, आमिरआ बुंदोंमोन। “नों आंनि गनायथि मोनबाय।”

सानसुमैया माखासे नावयारिफोरखौ लिंहरदोंमोन आरो बान्दाफोरखौ दैयाव गारहरनो थाखाय बिसोरखौ बिथोन होदोंमोन। बेखौ बिसोरो मावदोंमोन। गोसोबायनायजों, गरिब मानसिया गिनायजों होसिखावदोंमोन आरो गावनि आखाय आरो आर्थिजों जेराव मोनो बेवनो बुज्रावला बायदोंमोन। नाथाय दान्दिसे सेकेन्डनि उनाव, सानसुमैया बिखौ जाहाज सायाव बोखां बोफिन्नो बिथोन होनायसै। जाहाज सायाव फैफिन्नानै, बान्दाया मेंनाय आरो गिनायजों गोग्लैनायै थानायसै, एखेबोर सिरियै। बान्दानि बे हरखाब सोलायनायखौ नुनानै आमिरआ गोमोनायसै आरो मोनसे बेखेवथि होनो थिन्नायसै। सानसुमैआ बुंदोंमोन, “गाज्जिसिन हालोताव जेब्लासिम जों सौहैया, अब्लासिम बबे हालोताव जों बेसेबां सांग्रां बेखौ जों हमदांनो हाया।”

5. गाहायाव होनाय खोन्दोखौ बरयाव राव सोलाय :

20

Man has always been fascinated by dreams. He has always tried to find explanations for his dreams. Perhaps dreams tell us about the future or the past, perhaps they tell us about our deepest fears and hopes. I don't know. Today, I want

to give you a completely different explanation. But before I do so, I must give you one or two facts about dreams. First of all, everybody dreams. You often hear people say, 'I never dream', when they mean, 'I can never remember my dreams'. When we dream, our eyes move rapidly in our sleep as if we were watching a moving picture, following it with our eyes. This movement is called REM, that is Rapid Eye Movement. REM sleep is the sleep that matters. Experiments have proved that if we wake people throughout the night during REM, they will feel exhausted the next day. But they won't feel tired at all if we take them at times when they are not dreaming. So the lesson is clear : it is dreaming that really refreshes us, not just sleep. We always dream more if we have had to do without sleep for any length of time.

If that is the case, how can we explain it? I think the best parallel I can draw is with computers. After all, a computer is a very primitive sort of brain. To make a computer work, we give it a programme. When it is working, we can say it is 'awake'. If ever we want to change the programme, that is to change the information we put into the computer, what do we do? Well, we have to stop the computer and put in a new programme or change the old programme.

6. गाहायाव सौलुफोरनि फिन हो :

10×4=40

(a) गाहायाव होनाय बाश्राफोरखौ मोनसे सोदोबजों फोरमाय :

2×5=10

- (i) इसिडाव गारनाय दै खालाय _____
- (ii) जानो फोरान्नानै दोन्नाय फाथो बिलाइ _____
- (iii) लान्जाइ गज मोमौ _____
- (iv) माबा-माबि खावलुग्रा सिखाव आखुनि मानसि _____
- (v) जनखोन्दा बन गज _____

(b) गाहायाव होनाय बाश्रा फान्दायफोरखौ ओथि होनाय बाश्रा दा :

2×5=10

- (i) खर मोन
- (ii) आखाय सोमाव
- (iii) मेगन फेदेद
- (iv) आथि हम
- (v) गुस्थि फेन

(c) गाहायनि थाइजा दाजाबदाखौ बाहायनानै मोत्रै-मोत्रैयै बाध्रा दा :

2×5=10

(i) -सुला

(ii) -ख्लाब

(iii) -हां

(iv) -खाव

(v) -थार

(d) गाहायाव होनाय बाध्रा भावखौ गुवारै बेखेव :

5×2=10

(i) आदाया खियो बाजैया गालायो।

(ii) साल खुन्थानि रोदा नागिरनाय।
